

# Қуръоннинг аксар сура ва оятлари иккала нав тавҳидни ўз ичига олгандир | Ақийда дарслари (271-дарс)



19:00 / 01 апрель 1224

Қуръони Карим аввалидан охиригача мазкур икки тур тавҳидни баён қилишга, уларнинг шаънини ҳақиқатга чиқаришга хизмат қилади. Чунки Қуръон:

1. Аллоҳ, Унинг исмлари, сифатлари, ишлари ҳақида хабар беради. Бу эса амалий, хабарий тавҳид, яъни рубубият тавҳидидир.
2. Ёки ҳеч шерик келтирмасдан, Унинг ёлғиз Ўзигагина ибодат қилишга, Ундан ўзга ибодат қилинадиган нарсаларни тарк этишга даъват қилади. Бу эса иродий, талабий тавҳид, яъни улухият тавҳидидир.
3. Ёки амр, наҳий ва Аллоҳга итоат қилиш лозимлигини ифода этади. Бу ҳам улухият тавҳиди ҳуқуқларидан ва уни тўлдирувчиларидандир.
4. Ёки аҳли тавҳидни Аллоҳ томонидан ҳурматлаш, уларга бу дунёда нималар қилгани ва охиратда қандай икром қилиши ҳақида хабар беради. Бу эса тавҳиднинг мукофотидир.
5. Ёки аҳли ширк ҳамда уларга бу дунёда етган уқубатлар, охиратда етадиган азоблар, кишанлар ва занжирлар ҳақида хабар беради. Бу эса тавҳид ҳукмидан чиққан кимсанинг жазосидир.

***Ақийдатут Таҳовия шарҳининг талхийси» китобидан***

Ушбу китоб Ўзбекистон Республикаси Вазирлар Маҳкамаси ҳузуридаги Дин ишлари бўйича қўмитанинг 2022 йил 5 октябрдаги 03-07/7619-рақамли хулосаси асосида чоп этилган.